

Avannaata Kommuniani ukiuunerani Avanersuup eqqaanni assartuutit motoorinik ingerlatillit nunaannarmi atorneqarneri pillugit ileqqoreqqusaq

Assartuutit motoorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersumi § 6, aamma § 7 imm. 1, § 9, imm. 1 aamma § 12 naapertorlugit aalajangersarneqarpoq.

Kapitali 1

Atuuffissai il.il.

§ 1. Avannaata Kommuniani Avanersuup eqqaani assartuutit motoorinik ingerlatillit nunaannarmi atorneqarneri pillugit ileqqoreqqusaq una atorlugu aqqtissat aamma ingerlaarfissat killeqarfia toqqarneqarnerinut malittarisassat aalajangersarneqarput.

Stk. 2. Avanersuup eqqaaniipput Qaanaaq nunaqarfiillu Savissivik, Qeqertat Siorapalullu. Nunaannarmi killeqarfia nunap assinganut ilangussaq 1-imiiippoq.

Imm. 3. Ileqqoreqqusami matumani nunaannarmi nunaminertat pineqartut tassaapput kommunimut pilersaarummi illoqarfiup nunaqarfiillu avataaniittut.

Imm. 4. Imartat, kangerluit, kuuttut tatsillu sikusarnerisa nalaani nunaannarmut ilaatinneqarput.

Imm. 5. Ileqqoreqqusami Sermersuarmut iigartartunullu Sermersuarmeersut kiisalu Pituffeersunut atuutinngilaq.

§ 2. Motoorinik ingerlatillit ileqqoreqqusami pineqartut tassaapput angallatit motoorillit suulluunniit sikukkut, aputikkut, qaqqakkut nunaannakkullu ingerlasinnaasut, matumani ATV-t, illiniliuutit qamuteralaallu ilangullugit.

§ 3. Atuisussaatitaanermik nalunaaruteqartariaqartumik aqqusinerni, unittarfinni narsaatinilu il. il. angallanneq, pilersaarusiornermut inatsit naapertorlugu, ileqqoreqqusami matumani atuutinngillat.

Imm. 2. Nakkutilliinermut oqartussaasut avatangiisink pinngortitamillu nakkutilliinerannut, annaassiniarnerannut, politiit misissuinerannut, illorsornissaqarfiup suliaqarnerannut assigisaannullu tunngasut ileqqoreqqusami matumani atuutinngillat.

Imm. 3. Sumiiffinni, angallatit motoorinik ingerlatillit atorlugit angallannermut inatsisit allat aqqtigalugit maleruagassiuiiffiusuni, maleruagassiat sukkulluunniit killilersuiffiunerusut atuutissapput.

Kapitel 2

Nunaannarmi motoorinik ingerlatilinnik atuineq

§ 4. Nunaannarmi angallatinik motoorilinnik angalaneq taamaallaat kommunalbestyrelsip akuerisaatut ukiuunerani angallavissatut akuerisaani aamma ukiuunerani angallannermut aqqutissiani akuerisaapput, takukkit ilanngussat 1-8.

Imm. 2. Angallannermut aqqutissiani nalunaarsukkani aamma angallavissatigut angallatinik motoorilinnik angalaneq taamaallaat ukiuunerani 1. oktobari-31. maajimi pisinnaavoq.

Imm. 3. Angallatit motoorillit nunakkoortillutik ajutoorsimassappata, naggorissutsimut nunamullu uuliakooratarsinnaaneq imaluunniit orsussamik aniasooratarsinnaaneq pitinnagit peerneqassapput. Angallatit motoorillit Kommunalbestyrelsimit peeqquneqareernerisa kingorna peerneqanngippata, piginnittup akiligaanik Kommunalbestyrelsimit peersinneqarsinnaapput.

Kapitali 3

Angallannermut ataatsimoortumik aalajangersakkat

§ 5. Ukiuunerani assartuinermut aqqutissatut ukiuuneranilu angallavissatut toqqarneqartuni nunap qerinerani, apummik qallerneqarnerani aammalu naasunut nunamullu ajoqusiiviusinaanngitsumik angallavissaalernerani angalanissaq inerteqqutaanngilaq.

Imm. 2. Angallatinik motoorimik ingerlatilinnik imeqarfiup killeqarfiata iluani angallanneq inerteqqutaavoq.

Imm. 3. Imm. 1-im i aalajangersakkat imaani sikukkut, kangerlukkut, kuukkut tatsikkullu angallanneq atuutinngilaq.

§ 6. Nunaannarmi angalanermi naasunut aseruutaasinnaasumik sangupiloorfingineqasanngilaq, aallarsarfigineqassanngilaq unipiloorfingineqassananiluunniit.

Imm. 2. Kuuit sinaat uingarnillu kiisalu tatsit killingi, kuuit annerit kiisalu kangerluit ikaarneqartassapput, naasut nunallu ajoquserneqarfissarinngisaasigut.

Imm. 3. Angallanneq naasut uumasullu sianigalugit pissaaq. Nunami immamilu uumasut miluumasut illersornissaannut piniagarinissaannullu qaqugumulluunniit atuuttutut nalunaarutit malittarineqassapput.

Imm. 4. Qimussinut ungasissusissat sapinggisamik minnerpaamik 10 meterinik ungasissuseqassooq.

Imm. 5. Angallannermi aqqutit nunap assingatigut sapinggisamillu aqqutitigut nalunaaqutsersuinikkut kommunimit isumagineqassapput.

Kapitali 4

Immikkut ittumik akuersissutit

§ 7. Pisuni immikkut ittuni ilanngussaq 1-8-p avataani assartuutit motoorinik ingerlatillit atorlugit aqqtissatut akuerisani angalanissamut kommunalbestyrelse immikkut ittumik akuersissuteqarsinnaavoq.

Imm. 2. Immikkut ittumik akuersissuteqartoqarnissaanut qinnuteqaat tunngavilersugaq angalanissaq pilersaarutaasoq kingusinnerpaamik sapaatit-akunnerinik sisamanik sioqqullugu kommunalbestyrelsimit tiguneqarsimassaaq aamma nunaminertanik imaluunniit aqqtigisassanik takutitsiviussalluni.

Imm. 3. Kommunalbestyrelse immikkut ittumik akuersissuteqarnermut atatillugu naapertuuttutut isigineqarsinnaasunik piumasaqaateqarsinnaavoq.

Imm. 4. Immikkut ittumik akuersissutit Avatangiisinut Naalakkersuisumut ilisimatissutigineqassapput.

Imm. 5. Imm. 1 aamma imm. 2 naapertorlugit akuersissutit sukkulluunniit kommunalbestyrelsimit imaluunniit Naalakkersuisunit allanngortinneqarsinnaapput utertinneqarsinnaallutilluunniit, immikkut ittumik akuersissuteqarnissamut piumasaqaatit unioqqutinneqarpata, imaluunniit kommunalbestyrelsip Naalakkersuisulluunniit naliliinerat malillugu pissutsit pinngortitamut avatangiisinullu ajoquisiisinnaasut pineqarpata.

Stk. 6. Immikkut ittumik akuersissutit ukioq ataaseq tikillugu tunniunneqartarsinnaapput.

§ 7. Kangerluup aamma imartap sikuani angallannermi sikup sinaa atuarlugu piniarneq aamma immami uumasut miluumasut akornusersornissaat pinngitsoorniarlugit sikup sinaanut ammaan-nartumik imartaqarfilinnut sapinngisamik siamasissuutitatut meterinik 500-nik ungasis-suseqartoqassaaq.

Imm. 2. Timalittut pissutsit sikup sinaanut meterinik 500-nik ungassisuseqartitsisin-naanngippata sikup sinaanut sapinngisamik ungasinnerpaamik ungasissumiittoqassaaq.

Imm. 3. § 7, imm. 1-imi pinngitsuugassaq tassaavoq sikup sinaa atuarlugu angallannermut aqqtissianik toqqaasoqarsimanera.

Imm. 4. Sikup sinaa atuarlugu aalisartarfinnut taakkunaniillu angallannermut, kiisalu sikup si-naanit piniarnermit angallannermut imm. 1 aamma imm. 2 malillugit sikup sinaanit meterinut 500-nut naleqqiullugu qaninnerusumik angallannissamut inerteqqussutit atutissanngillat.

Kapitali 5

Nakkutilliineq il.il.

§ 9. Kommunalbestyrelsip nalunaarummi uani malittarisassat malinnejarnersut nakkutigissavaat.

Imm. 2. § 5-imi, imm. 1 aamma 2 angalanermut maleruaqqusat piffissap ilaani naammassineqarsimannngippata kommunalbestyrelse inerteqquteqarsinnaavoq peqqussuteqarsinnaallunilu.

Imm. 3. Peqqussutit tassaasinnaapput angallaviit aalajangersimasut atorneqarnissaannik piumasaqaatit.

Imm. 4. Inerteqqutit tassaasinnaapput sumiiffinni aalajangersimasuni piffissami aalajangersimasumi angallannerup tamarmi unitsinneqarnissaanik piumasaqaatit.

§ 10. Nalunaarut manna naapertorlugu aalajangikkat tamarmik Avatangiisit innarlitsaaliorneqarnissaat pillugu Inatsisartut peqqussutaanni nr. 9-mi, 22. november 2011-meersumi kapitali 14-imi malittarisassat naapertorlugit naammagittaalliuutigineqarsinnaapput.

Kapitali 6

Pineqaatissiinermut aalajangersakkat

§ 11. § 4-mik, § 5-imik aamma § 6-imik unioqqutitsineq akiliisitsinermik aamma/imaluunniit arsaarinninnermik kinguneqarsinnaapput.

Imm. 2. Piumasaqaatinik, § 7, imm. 3 naapertorlugu aalajangersarneqartunik unioqqutitsineq akiliisitsinermik kinguneqarsinnaavoq.

Imm. 3. § 8, imm. 2-4 naapertorlugit peqqusummik imaluunniit inerteqqummik unioqqutitsineq akiliisitsinermik kinguneqarsinnaavoq.

Imm. 4. Ileqqoreqqusatigut akiliisitsinermik kinguneqartitsinermi, Kalaallit Nunaanni pinerluttulerinermi inatsimmi malittarisassat malillugit inatsisitigut pisinnaatitaasumut akisussaatinneqarsinnaapput.

Imm. 5. Imm. 1-4 naapertorlugit akiliisitsissutit Nunatta Karsianut nakkartinneqartassapput.

Kapitali 7
Atuutilerfissaq

§ 12. Illeqqoreqqaq una atuutilissaaq ulloq 24.02.2021.

Avannaata Kommuniani Kommunalbestyrelni, ulloq 19.02.2021


Palle Jerimiassen
Borgmesteri

Ilanngussaq 1 Imm. arfineq-marluk ilanngullugit Avannaata Kommunianut takussutissaq.

Ilanngussaq 2 Eqqissisimatitaq, Qimusseriasvaq

Ilanngussaq 3 Thule Air Base, Pituffik

Ilanngussaq 4 Eqqissisimatitaq, Avannaarsua

Ilanngussaq 5 Savissiviup eqqaani nunaannaq

Ilanngussaq 6 Qeqertat eqqaanni nunaannaq

Ilanngussaq 7 Qaanaap eqqaani nunaannaq

Ilanngussaq 8 Siorapaluup eqqaani nunaannaq